



Қонунчилик ва хуқуқ-тартибот учун!

# Постма

ГАЗЕТА 1930 ЙИЛ

12 МАЙДАН ЧИКА БОШЛАГАН

• Ўзбекистон Республикаси ИИВ нашри • 2003 йил 27 март, пайшанба • 13 (3489)-сон



Ички ишлар тизимида ахборот маркази хизматининг ўрни алоҳида аҳамиятга эга. Кундаклик иш фаолиятни таҳдил этиши, хабарларни ўз вақтида жойларга жўнатиш каби юмушларни тезкорлик билан бажариш учун хизматлар замонавий асбоб-ускунлар билан жиҳозланяпти. Сиз кўриб турган суратда Жizzах вилояти ИИБ

Б. БЕГИМҖУЛОВ олган сурат.

ахборот маркази бошлиғи, милиция майори Фируз Зикриёев (ўртада) марказ ходимлари, милиция катта лейтенанти Т. Кулназаров ва милиция лейтенанти В. Назаров билан компьютер орқали навбатдаги хабарни жойларга етказаётган пайт акс эттирилган.

Б. БЕГИМҖУЛОВ олган сурат.



## ДУНЁ ҲАФТА ИЧИДА

● Жанубий Корея президенти Но Му Хен АҚШ Ироқдан кейин Шимолий Кореяни забт этишга уринади, деган тахминлар асосиз эканлигини айтди.

● Зеленоград шаҳрида (Калининград вилояти) эрталаб кўчанинг ҳаракат қисмидан елим халтага солинган қўлбола портлатиш қурилмаси топилди. У зарарсизлантирилиб, текшириб қўрилганда радио орқали бошқарилиши маълум бўлди. Экспертларнинг фикрича, ушбу портлатиш воситаси автомобиль юхонасидан тушиб қолган.

● Берлиндаги Райнекендорф тумани ҳудудидан ўтган метро бекатлари ораглигда икки поезд тўқнашиб кетди. Саккиз киши енгил яраланди, бир неча йўловчи эса оғир ахволда шифохонага ётқизди.

● Алмати яқинидаги тогда қор кўчкиси остида

колошиб ҳалок бўлган фуқаронинг шахси аникланди. У франциялик сайд 1957 йилда түғилган Жан Пьер Леҳо бўлиб чиқди.

● Танганьика кўлида бортида 200 нафарга яқин киши бўлган паром кучли шамол таъсирида ағдарилиб кетди. Бунинг оқибатида камида 150 киши ҳалок бўлди, 39 киши эса Бурунди ҳарбий-денгиз кучлари денгизчилари томонидан кутқариб қолинди.

● Камчаткадаги Ключевский вулқони фаоллаша бошлади. Унинг кратеридан бир кечакундуз давомида 200дан 1000 метргача баландликка 10 марта кул уюми отилиб чиқди. Бундан ташқари шу ҳудудда саккиз марта ер қимирлагани қайд этилди.

● Санкт-Петербург яқинидаги Колпин шаҳрида соид бўлган ёнгинда уч киши ҳалок бўлди. Офат кўп

қаватли уйнинг тўққизинчи қаватида тунги соат 01.13 да рўй берди. Жаҳрдийдалар орасида тўрт ёшли қизалоқ ҳам бор.

● Германиянинг Трир шаҳрида 50 нафарга яқин россиялик болалар ва ўсмирлар кетаётган сайёхлар автобуси енгил автомобиль билан тўқнашиб кетди. Натижада бир киши ҳалок бўлди, 40 йўловчи эса тан жароҳати олди.

● Украинада мамлакатнинг собиқ қишлоқ ҳўжалиги вазири солиқ тўлашдан бош тортиб, мансабини сунистемол қилишда айбланиб, ҳибса олинди.

● Лос-Анжелесда "Оскар" мукофотини топшириш маросими ниҳоясига етди. Америка кинокомпанияси томонидан "Чикаго" фильмни йилнинг энг яхши фильмни деб топилди. Режиссёр Роман Полански ҳам "Пианиночи" фильмни учун ана шундай соврин соҳиби бўлди.

● 30 марта ўтар кечаси Россия ҳудудида ёзги вақтга ўтилади. Тунги соат 2.00да соат миллари бир соат олдинга суриласди. Айни пайтда дунёдаги 100 дан ортиқ мамлакат ёзги вақтдан фойдаланяпти.

Ўзбекистон Миллий университети проректори А. Мараҳимов ҳаракатланаётган автомобилларнинг давлат рақамларини компьютерлаширилган видеокузватуви технологияларидан фойдаланиш, хавфсизликни таъминлашнинг долзарб масалаларига бағишланди.

Республика Ички ишлар вазири ўринбосари, полковник Х. Ибрагимов семинар-кенгашни очиб, ўтказилаётган тадбирнинг аҳамияти ҳақида тўхтади. ИИВ Молия-иқтисод бошқармаси бошлиғи, ички хизмат полковники Ў. Аҳмедов ўз чиқишида вазирлик бўлнимлари молия-хўжалик фаолиятида автоматлаширилган ахборот тизимларидан қандай фойдаланилаётгани түгрисида гапириб берди.

ИИВ Ахборот маркази бошлиғи ўринбосари, ички хизмат полковники И. Мирзаев вазирлик тизимларидан автомобиллаширилган ахборот технологияларини татбиқ этиш хусусида сўз юритди.

Ўз мухбиришим.

## ЛОЙИХА МУҲОКАМАДА

Швейцариянинг мамлакатимиздаги элчихонасида Ўзбекистонда гиёҳвандлик моддалари тарқалишининг олдини олиш ва улар етказаётган зарарни камайтиришга қаратилган лойиҳани ҳаётга жорий этиш бўйича бошқарув қўмитасининг учрашуви бўлиб ўтди.

Ўзбекистон Республикаси Соғлиқни саклаш вазири Д.Асадов, Ўзбекистон хукумати ҳамда юқоридаги лойиҳани амалга ошириш бўйича Швейцария Федерал кенгаси томонидан имзоланган Келишув бунга асос бўлди.

Учрашуви бошқарув қўмитаси вакиллари – Швейцариянинг Ўзбекистондаги элчиси, ушбу қўмита раиси В.Майер, қўмитанинг Бишкекдаги бороси раҳбари У.Херрен, Гиёҳвандлик моддаларини назорат қилиш бўйича Давлат комиссияси раисининг ўринбосари, Ўзбекистон Республикаси Вазирлар Маҳкамаси хузуридаги гиёҳвандлик моддаларини назорат қилиш бўйича Миллий ахборот-таҳлилий марказининг директори К.Дусметов,

И.ТОЛБОБОЕВ,  
милиция подполковниги.



«QALQON» ва «ШИТ» журналларининг 3-сони нашрдан чиқди



## Бизнинг муроқот



**Муҳбир:** — Аъзамжон ака, Юрбошимиз томонидан 2003 йилнинг Обод маҳалла йили, деб ёзлон қилиниши маҳалланинг зинмасига нечалик масъулиятли вазифалар оқлатилганидан далолат бериб туриди. Ушбу вазифалар, дозларб масалалар Сиз бошчилик қиёлётган жамғарма фаолиятида қандай акс садо бермоқда?

**А. Гайдобоеев:** — Аввалин шундай кимга яхши ошириш бўйича республика комиссияси тузилди. Комиссия ўз навбатида жамоат, давлат ва нодавлат ташкилотлари, маҳаллалар вакиллари билан ҳамкорликда 2003 йил давомида амалга оширилиши зарур бўлган ташкилий-хукуқий, ижтимой-иктисолий тадбирлар мажмумини ишлаб чиқди. Шу йилнинг февраль ойида ўтказилган Узбекистон Оқсоқоллар Кенгаши ҳамда "Маҳалла" жамғармаси республика бошқарувининг кенгайтирилган мажлисида ушбу масалалариняни бирор чукур мушоҳададан ўтказиб, уни амалга оширишнинг аниқ йўл-йўриклини белгилаб олдик. Айтишадиганда, Обод маҳалла йили дастури жамиятимизнинг сиёсий ва ижтимой-иктисолий ҳаётидаги мухим ўрин туради.

Жамғармамиз кўплас жамоат ташкилотлари, жумладан, "Нуроний", "Софлом авлод учун", "Экосан", "Ибн Сино", "Ином ал Бухорий", шунингдек, "Камолот" ёшлар ижтимой ҳаракати ва бошқа ташкилотлар билан ҳамкорликда иш олиб бориб, йилдан-йилга яхши натижаларни кўлга киритмоқда.

Шулардан айримларини қайд этиб ўтсан. Масалан, жамғарманинг низомий режаларини амалга ошириш юзасидан 65931та тадбир ўтказилди. Шундан 14 000 таси маҳалла фуқароларининг хукуқий билимларини ошириш, ижтимой-маънавий муҳитни соғломлаштириш ҳамда диний экстремизм ва ақидапарастликнинг олдини олишига, 9712 таси вояга етмаган ёшлар тарбияси, оммавий спортни ривожлантириш, 7591 таси маҳаллаларимизда тўй, маърака ва маросимларни тартибга солишга багишланди.

**Муҳбир:** — Маҳаллаларда ёшлар тарбияси борасида амалга оширилаётган ишлар ҳақида ҳам тўхтассангиз.

**А. Гайдобоеев:** — Дарҳақиқат, ёш авлод маҳалланинг келажагидир. Уларни қанчалик ҳалол ва пок, одобли ва маданиятини

сонар қилиб тарбияласак жамиятимиз ҳам шу қадар соғлом бўлади. Маҳаллада ёшлар тарбияси иккى томонлама, яни оила ва жамоатчилик куяига таяниб олиб борилади. Ёшлар ҳаётидаги ота-она тарбияси билан бирга маҳалла-кўй тарбияси ҳам мухим роль йўнайди. Чунки айнан шу

собақалар ташкил этилди.

Бу тадбирларда маҳаллаларда истиқомат қилаётган уч миллионга яқин ўғил-қизлар иштирок этишиди.

Утган йилнинг ўзида 1066

та спорт иншоотлари

қуриб битказилди, ҳозирги

кунда жойларда 2 мингдан

зид спорт майдончалари

ишлаб туриди. Таъни

ди. Тоғли ҳудудларда ёки

марказдан узоқдаги чекка

олис қишлоқлarda жой-

лашган милиция таянч

пунктлари ҳам радио-алоқа

воситалари билан таъминланди.

Хатто, ҳар бир ми-

лиция таянч пунктiga бит-

адан автотранспорт воси-

таси биринчирилиши

мўлжаллангани ва улар-

учун қандай қулайликлар,

имкониятлар пайдо бўлади.

Ва ўз навбатида, профилак-

тика инспекторларига қан-

дай вазифалар юкланди?

**Қ. Ҳакимов:** — Албатта,

милиция таянч пунктларини

фақат ички ишлар ходимлари ёки профилактика

инспекторининг хизмат

мажмуаси деб қараш хотўғ-



ладаги ёшларни жамият учун фойдали ишларга жалб этишидир. Шу мақсадда милиция таянч пунктлари атрофида кичик корхоналар, масалан бичишик цехлари, дурадгорлик ва миллий хунармандчилик устахоналари, маший хизмат кўрсатиш шохбозларни сартарошхона, радиотелефон аппаратура устахоналари бунёд этиб, шу орқали вояга етмаганлар орасида жиноятчиликнинг олдини олинаяпти. Бу ҳақдаги барча йўл-йўриклиар Республика Вазирлар Маҳкамасининг шу йил 16 майдаги қарорида аниқ белгилаб берилган.

Мазкур қарор милиция таянч пунктлари инфратузилмасини янада такомиллаштириш, вояга етмаганлар ва ёшлар ўртасида ташкилий-тарбиявий, оммавий спорт тадбирларини, кичик бизнес корхоналарини ташкиллаштириш, шунингдек, маҳалла ҳудудида жамоат тартибини сақлаш ва хавфзизлини таъминлаш борасидаги ишлар сифати ва суръатини оширишга қаратилган.

**Муҳбир:** — Ҳар қайди маҳалла посбонлари бор. Уларнинг профилактика инспекторларига ёрдами қандай?

**Қ. Ҳакимов:** — Тўғри, профилактика инспекторларимизнинг ёнида маҳалланинг юрагида ўти, билагида кути бор, доворак йигитлари — маҳалла посбонлари иш олиб бориши мөнда. Улар нафасати ҳукуқбузарликларнинг олдини олиши, балки жиноятчиликларни ушлашда ҳам уларга яқиндан ёрдам бериши мөнда. Шу боис, маҳалла посбонларни ўзимизнинг катта ёрдамчиларимиз деб биламиш.


**Муҳбир:** — Профилактика инспекторлари олдида турган масъулиятли вазифаларни бажарниша қандай омиларни мухим деб ҳисблайсиз?

**Қ. Ҳакимов:** — Ходимларимизни янги замон руҳидаги тарбиялаш, давр талаб қилаёттан вазифаларни удлаштираётган фуқаролар билан муроқотда хушумомлар, ҳалқимизнинг дардига дармон, куюнч ва ташибларига шерни бўладиган даражага етказиши олдимизда турган масъулиятли вазифаларни бажарниша қандай муммонни ҳал этишда энг мухим омил бўлади, деб ўйлайман.

**Муҳбир:** — Самимий ва мазмунли сұхбатларнингиз учун раҳмат.

**Сұхбатдош Шуҳрат МУРОДОВ.**

# МАХАЛЛА - АҲИЛИЙК ҚЎРҒОНИ



далолат бериб туриди.

**Муҳбир:** — Кўчкор ака, Обод маҳалла йилида ҳукуматимиз ички ишлар идораларининг профилактика хизматига, профилактика инспекторлари фаолиятига янада кўпроқ ўтиборни қаратмоқда. Сиз буни қандай шарҳлаган бўлардиниз?

**Қ. Ҳакимов:** — Гапингиз тўғри. Келинг, шу ўринда Президентимиз Ислом Каримовнинг бир гапларини эса олайлик: "Маҳаллада бирор ҳодиса рўй берса одамлар қаёққа боради. Кимга мурожаат қиласи, албатта, профилактика инспекторига. Шу боис, биз уларга энг аввали телефони бор, барча шарт-шароитларга эга бўлган хизмат хонасини яратиб бериши мөнда".

**Муҳбир:** — Демак, ички ишлар идоралари тизимида олиб бориляётган ишлардан кўзланган асосий мақсад, ички ишлар идораларининг асосий куч ва воситаларини бевосита жойларга, тўғрироги маҳаллаларга йўналтиришдан иборат. Хўш, бунда ҳалқимиз



# UCHINCHI TV OLAM

«Постган» gazetasining ilovasi

TANIQLI KISHILAR BILAN UCHRASHUV,  
HAJVIYA, XANDALAR, KROSSVORD,  
SKANVORD, MUNAJJIMLAR BASHORATI,  
HAYRATOMUZ VOQEALAR,  
SPORT YANGILIKLARI, INTERNET XABARLARI

**1915 йили Кабеко четида тўрт қизча қўй боқиб юришарди. Улар осмонда бугсимон оқ шарпани кўриши. "У бамисоли чойшабга ўралганга ўхшарди. Боши ҳам, қўллари ҳам кўринмасди", — деда ҳикоя қилишди қизчалар ота-оналарига. Улар ёзда бошсиз оқ мавжудодларни тағин икки марта учратиши.**

Келгуси йили улардан бирى — Люция Эбобора болалар билан ўрмон четида ўйнаб юрарди. Ногаҳон улар дараҳтлар устидан ўзлари томон яқинлашаётган ёрқин нурни кўрдилар. У яқин келгач, инсон қиёфасига кирди. Кейинчалик болалар уни 14-15 ёшлардаги "шаффофф ўсмир" деб тасвирладилар. "Ўсмир" сал нарига кўниб деди: "Кўркманглар! Мен Олам фариштасиман. Мен билан бирга ибодат килинглар". Болалар "шаффофф ўсмир" олдида тиз чўкиб, то у ҳавога сингиб кетгунча ибодат қилдилар.

Икки ҳафта ўтгач, "фаришта" яна ўша жойда, ўша болалар тўпи ёнида пайдо бўлди. Улар тағин ибодат қилиши.

1917 йиль 13 майда ўн ёшли Люция Эбобора, тўқиз ёшли Франциско Марто ва етти ёшли Жасинта Марто Кова да Ирия қишлоғи даласида ўйнаб юриб тиник осмондаги ёрқин нурга кўзлари тушди. Уни чақмоқ деб ўйлаб катта эман панашига ўтмоқчи бўлиши-ю, лекин ҳайратдан қотиб тўхтаб қолдилар. Уч фут баландликда оч яшил пуфак парлиарди. Унинг ичидаги ялтироқ оқ ридоли, "таралётган нур туфайли юзига қараб бўлмайдиган" мавжудод кўриниб турарди.

"Кўркманглар, сизларга ёмонлик қилмайман", — деди мавжудод майнин овозда. Кўркиб кетган болалар унинг қаёқдан пайдо бўлганини сўрадилар.

"Мен фалакдан тушдим, — жавоб берди у, — сизлардан олти ой мобайнида ҳар ойнинг 13-кунида, худди шу пайтда мана шу ерга келишларингизни илтимос қиласман. Шанда сизларга кимлигим ва нима хоҳлашимни айтаман".

У болалардан Ерда тинчлик бўлиши учун фариштага ибодат қилишни сўради. Кейин пуфак жимгина юкорига кўтарилид ва кўздан йўқолди. Кизиги шундаки, овозни фақат Люция билан Жасинтагина эшитишганини айтдилар. Франциско мавжудодни кўрган бўлса ҳам, овозини эшитмаган. Ҳаяжонга тушган болалар кўрганларини ота-оналарига гапириб бериши, лекин катталар бу воқеага жиддий эътибор бермадилар. Барибир овозга тарқалди. 13 июня болалар тағин Кова да Ирияга йўл олганларида, бир тўп одамлар уларни узоқдан кузатиб боргандар. Гувоҳлардан бири Мария Каррейранинг кейинчалик айтишича, болалар тиз чўкиб кўринмас мавжудод билан гаплашарканлар, у хеч

нарсани кўрмаган, бирок асалари ёнгиллашига ўхшаш ғалати товушларни эшитган. (Кўплаб кўрсатмаларга кўра, паст учган ликопчалар шунга ўхшаш товуш чиқарди).

13 июляда уч бола тиз чўкиб фақат уларгагина кўринаётган мавжудодга мурожаат қилиши.

Куни фариштани тағин кўрдилар ва сухбатлашдилар. Орадан бир ой ўтгач, 13 сентябрда Кова да Ирия зиёртчи, руҳоний, роҳиб, гадо ва томошаталаб бекорчиларга тўлиб кетди. Одатда шундай ҳолларда бўлганидай, кўпчилик фариштанинг кароматига ишониб келгандилар — улар касалларининг тузалиши, муаммоларининг ҳал бўлишини тилардилар.

Оломон орасида Лиссабондаги кафедраль соборининг бош руҳонийси ва Сантеремдаги диний семинария профессори Мантель Нунес Фромича бор эди. Кейинчалик унинг ёзишича, болалар карахт ҳолга тушши

кўркувдан чинқириб, лой ерга тиз чўкди. Улкан кумушсизмон гардиш тез айланниб, пастдаги булутларни ёриб ўтиб одамлар устига тушиб келарди. Осмондан "фариштанинг кумушсизмон соч толалари" ёғилар ва уларни хеч ким териб олишга улгурмай дарров эриб кетар эди.

Жисм айланишини тезлаштирган ҳолда камалакнинг барча тусига кираётгандай туяларди.

сабаб деб тахмин қилиш мумкин. Ҳаммаси 70 000 гувоҳ кўз ўнгида юз берди. Улар орасида олимлар, журналистлар, руҳонийлар бор эди. Бу воқеа тўғрисида кўплаб китоблар ёзилган. Бироқ НУЖнинг фотосурати деярли йўқ.

Кова да Ириядаги мўъжиза тасодифий мулокот эмасди. Аксинча, пухта режалаштирилган ва қойиллатиб ўтказилган намойиш эди.

Шундай қилиб, биринчидан, 1915 йили Люция билан дастлабки эҳтиёткорона мулокот бўлди. Ёзда у осмонда ғалалар нарсани кўрди, бир неча ҳафтадан кейин эса ўртоқлари билан нур таратувчи шаффофф гавдага дуч келди. Болалар қатъий католик тарбия олгани учун бутун мулокот диний нұқтаи назардан режалаштирилди ва амалга оширилди. Ўсмир болалардан ўзи билан бирга ибодат қилишни сўради. Бу ходиса, шубҳасиз Люциянинг динга ишончини кучайтириди. У кейинчалик ибодатхонага кетди, роҳиба бўлди. Исмини Мотомли Мария деб ўзгартириди ва кўп йиллар узлатда яшади. Авлиёликларининг бир қисми ёзилиб ва муҳрланиб Ватиканга берилган. Уларни 1960 йили жаҳонга ўзлон қилиш кўзда тутилганди, бироқ папа Иоанн XIII "сирни сақлаган яхширок" деган қарорга келди. Бу сир борасида Ватиканда шундай мишмишлар тарқалди, гўё папа қиёмат қойим тўғрисидаги башоратни яширган эмиш.

Хуллас, пухта режалаштирилиб, қойиллатиб амалга оширилган "томуша" кўзланган натижани бermadi. Бунақнинг намойишлар қадимги давларда жуда қадрланар эди. Бироқ XX асрда келиб вазият ўзгарди. Зоро, инсоният бетўхтов ривожланаётган фан ортидан тез бораётти, фавқулодда ҳодисалар илмий исботни талаб этади.

Бизнинг давримизда кўплаб мўжизалар рўй бермоқда, аммо улар диндорлар доирасидан ташқаридаги камдан-кам кишининг эътиборини тортади. Учар ликопчалар эса бошқа гап!

Хориж матбуоти  
материаллари асосида  
О. ФАРМОН тайёрлади.

## УЛАР МУЛОҚОТГА ЙЎЛ КИДИРГАНМИДИЛAR?

Атрофларига оломон йиғилганди. Бир дехон кейинчалик бўш пакирга қамалган сўнаникига ўхшаш овоз эшитганини айтди. Чўлоқ ва сўқирлар болалардан мўъжиза содир қилишни сўрадилар. Люция уларнинг илтимосини етказди ва фариштанинг сўзлари билан шундай жавоб берди: "Ҳар ой бу ёқса келишда давом этинглар.

Октябрда кимлигим ва нима

исташимни айтаман ҳамда барчани менга ишонишга мажбур этувчи мўъжиза содир киласман".

1917 йиль 13 октябрда ваъда қилинган мўъжизани кутиб Кова да Ирияга 70 000 га яқин одам тўпланди. Кўпларда фотоаппарат, ҳатто ибтидоий кинокамера-

билан мутлақо булатсиз осмондаги куёш сал хиралашган. Бироқ руҳоний бошқа гувоҳлар кўрган нур таратавчига тушнишни кўрмаган.

Фаришта ўша дақиқагача ўзининг кимлигини асло билдирамади. Уни фақат учта бола кўрган, иккитаси — Люция ва Жасинта эса овозини эшитишган.

Бу гаплар Португалия бўйлаб тарқалди. Маҳаллий ҳукумат бир қанча вақт болаларни туткунда ушлади. Лақилятишганини тан олдириш учун уларга таҳдид килдилар. Лекин болалар сўзларида қаттиқ туриши. 13 август келиб тумонат оломон муқаддас ўтлоқка тўплангандаги ҳам улар қамоқда эдилар. Кейинчалик олинган маълумотларга кўра, осмонда шаффофф булатни эслатувчи ёрқин нур пайдо бўлди ва пасая бошлади. Люция, Франциско ва Жасинта озод бўлдилар ҳамда 19 августандагина ўтлоқка қайтдилар. Маълумотлар бўйича, улар ўша

лар бор эди. Дала ботқоқа айланган, одамлар соябонлар остида турардилар. Учала бола ота-оналари билан дараҳт тагида кутишарди. Кун яримдан оққандаги Люция оғир хўрсинди ва карахт ҳолатга тушаркан, юкорига қараганда юзи тантанали ёриши. Табиийки, беҳисоб оломон кўрмайтган "фаришта" пайдо бўлди. Болаларнинг айтишларича, бу гал у чақалок кўтариб олганди. "Тез орада уруш тугайди, — деди фаришта, — аскарлар уларига қайтадилар" (Уруш янга бир йил давом этди).

Тўсатдан, кўпминглик оломон

тозаланган маъданга ўхшарди... Мен мутлақо шоирона лоф урайтганим йўқ, чунки ҳаммасини ўз кўзим билан кўрдим... Мана, гардиш тўсатдан тобора тезроқ айланганча бурила бошлади. Ногаҳон оломон даҳшатли қичқирди. Бетўхтов айланавчига жисм қонсимон — қизил тусга кириб баҳайбат вазни билан барчани эзиз ташламоқидай бамисоли тош каби ерга қулади..."

Ҳаво бир лаҳзада қизиб, одамлар кийими қуриди. Оломон орасидаги кўплаб касалларнинг фавқулодда ҳодисалар илмий исботни талаб этади.



«Фарзандларимиз биздан кўра кучли, билимли, доно ва албатта баҳти бўлишлари шарт!»

Ислом КАРИМОВ.

# Жизор

Ёшлар саҳифаси

## «БУГУН НИҲОЛМИЗ...»

Эртага эса, албатта, томирлари бақувват дараҳт баҳламиз. Газетада осойишталик посбонларининг машиқатли меҳнатларини ёритиш билан бир қаторда ёшларнинг жамиятда тутган ўрни, интилишлари, муммалари ҳақида ҳам ўз сўзини айтатётган таҳририят ходимларидан ана шундай саҳифа очишгани учун беҳад миннатдормиз. Дарҳақиқат, ёшларнинг гиёҳвандлик ватури хил кўринишдаги диний-экстремистик оқимлар таъсирига тушиб қолмаслик-

лари учун ички ишлар ходимлари бор имкониятларини ишга солиб, куч-ғайратларини аямаяптилар.

Бунга Чимбой тумани ИИБ ходимларининг ибратли ишларини мисол қилиб айтсан арзиди. Улар маҳаллаларда, таълим-тарбия масакаларида учрашувлар келажаги ёш авлод қўлида эканигина алоҳидат таъкидлашишоқда. Шунингдек, жинончиликнинг жирканч кўришиларидан оғоҳ этиб, хукуқий саводхонликни оширишга давлат этишияпти. Туман ИИБ

бошлигининг ўринбосари, милиция капитани Аҳмед Тажибаев ва профилактика катта инспектори, милиция капитани Марат Курбоновларининг ҳайтий мисолларга тўла, тегран мулоҳазали маърузалари бизда катта таассурот қолдириди.

Шарафли касб соҳибларига нисбатан ҳурматимиз янада ошиди. Дўстларининг кўпчилиги келажакда милиция ходими бўламиш дейишмоқда. Мен эса осойишталик посбонларининг машиқатли хизматини эзга таниутувчи қалам соҳиби бўлмоқчиман.

П. ОТЕНИЁЗОВ,  
2-лицей-интернатининг  
11-сингф ўқувчиси.



## ҚЎРГАЗМАЛИ АНЖУМАН

Жалолқудук тумани ҳокимлиги ҳамда "Камолот" ёшлар ижтимоий ҳаракати вилоят кенгаши ўзаро ҳамкорликда "Ёшлар гиёҳвандликка қарши!" шиори остида қўргазмали семинар ўтказишиди.

Үнда вилоятдаги барча шаҳар, туман ҳокимлари қошидаги вояга етмаганлар ишлари бўйича комиссияларнинг масъул котиблари, вилоят хукук-тартибот идоралари, ўқув юртлари ҳамда таълим миассасаларининг ўринбосари, милиция подполковники Г. Раззоқовлар гапирдилар.

Семинар савол-жавоблар ва таклиф-мулоҳазаларга бой бўлди.

Б. КЛЕЙМАН.



Йўл ҳаракати хавфзислигини таъминлаш, кўнгилсизликларнинг олдини олишда профилактик ишлар асосий ўрин тутади. Буни яхши англаган Қарши шаҳар ИИБ йўл ҳаракати хавфзислиги бўлинмаси инспектори, милиция лейтенанти Мақсад Самадов тез-тез мактабларга бориб, ўқувчилар билан йўлларда ҳаракатланиш қоидалари ҳақида сұхbatлар, учрашувлар ўтказади. Ана шундай тадбирлар туфайли шаҳарда болалар билан боғлиқ йўлтранспорт ҳодисалари тобора камаймоқда.

Суратда: милиция лейтенанти М. Самадов шаҳардаги 7-йўрта мактаб ўқувчилари даврасидা.

О. ПРИМОВ олган сурат.

**Минг тўққиз юз саксон олтинчи йилда туғилган А. Камол ўғрилик қилгани учун илк бор 15 ёшида озодликдан маҳрум қилинган эди. Амнистияга асосан у жазони ўташдан озод қилинди. Хўш, бундан қандай хулоса чиқарди – қувондими, афсусландими, хато йўлдан буткул воз кечдими?**

Бу саволларга бир сўз билан йўқ, деб жавоб бериш мумкин. Аммо нега? Нима учун А. Камол яна хато йўлни – жинончи йўлни танлади? У 2002 йилинг июн ойидан бошлаб кўчада танишган Шавкат Каримов билан биргаликда Бухоро шахридаги бир неча ҳовлиларга яширинча кириб, фуқароларнинг қимматбаҳо буюмларини ўғирлайди. Мирдустим кўкасиданаги 85-ўйга кирганида курук кўл билан қайтмади: баҳоси 20.000 сўмлик зар тўн ва 4500 сўмлик зар дўйинни осонгина ўмариб чиқди. Бундан руҳланган шерилар ҳеч иккитаимай М. Таробий кўкасиданаги 20-ўйдан 25.000 сўмлик гиламни яширинча олиб чиқишиди.

Кетма-кет "ов" и юришган шериларни бирорларнинг ташвиши, изтироби эмас, мол-мулки қизиқтиради.

**Мулоҳаза**

## ЎСМИР ЯНА ЖИНОЯТ ҚИЛДИ...

С. Айний кўчаси 21-ўйнинг 4-хонадонидан 35.000 сўмлик гиламни ҳеч кимга сезидирмай ўмариганида иккى "дўст" чиндан-да кувонишиди. Нега деганда, катталар эплаши мушкул бўлган "иш"ни улар куппа-кундуз куни осонник билан бажаришар, молларини бозорга олиб чиқиб, харидор топишар, савдолашар ва сотиб пулини бўлиб олишар эдилар. Йигирма, йигирма беш минг сўмдан бошланган "ўлжа"лар қиймати кун сайин ошиб борди. Ҳар гал Камол бирорнинг ўйига ўғринча кирап экан, унга шериги Шавкатнинг хушёrlиги кўл келарди. Гарчи кўчада танишган бўлса-да, у панд бермади, ўғрибоши "ўлжа"ни илиб чиққунича атрофи кузатиб, кўз-кулок бўлиб турар, иш битгач эса ҳар иккиси мамнун бўлиб бозорга кетишарди.

Дарвоке, бозор ҳақида. Вояга етмаган А. Камолнинг бир ойда ўғирлайди. Бирорларнинг яхшина мисални киптайди. Биринчи ўтказишини кечирдиган А. Камол учун ишонч, имкон, фамхўрлик эмасмиди? Аммо А. Камол буни тушунмади, қадрига етмади: яна жиноята кўл урди. Бундай пайта улгайлан оила, маҳалла, қариндош-уруг қаёқка каради, улар нега бефарқ бўлишиди, дез куонасан киши.

Хуллас, бефарқлик, худбинлик ва яна қатор сабаблар оқибатида ўсмир жиноят қилди. Жазо жиноят ва жинояти ҳақида сўнгги хулоса, сўнгги нуқта дегани эмас. Келинг, бу ҳаҳда биргалашиб ўйлайлик...

Умид ҲАСАНОВ,  
милиция лейтенанти.  
Ражаббой РАУПОВ,  
журналист.

**Бошқотирма**

Ўрта Осиёда ва хорижий мамлакатларда яшаб ижод қилган олим узоиллар, шоирлар ва адиллар тўғрилик, ҳалоллик ва поклик ҳақида ҳам кўп-ҳикматли гапларни ёзб қолдирганлар. Ушбу бошқотирма шаклига машҳур француз ёзувчisi Ромен Ролланнинг худди шу мавзудаги сўzlари яширилган. Уни ўқий оласизми?


Тузувчи Ҳамидулла АБДУЛЛАЕВ.











Тузувчи: К. ОРИПОВА

## ГАЗЕТАМИЗНИНГ ЎТГАН СОНИДА ЧОП ЭТИЛГАН СКАНВОРДНИНГ ЖАВОБЛАРИ:

Бедана. Номозшомгул. Отлик. Лаъл. Ор. Ишком. Баҳорикор. "Наврӯзнома". Исмалоқ. Анжир. Ҳодиса. Соң. Диид. Ер. Минг. Ота. Қум. Кураш. Ком. Оқ. Жомакор. Ре. Йигит. Доира. Кор. Гилос. Зар. Қарқара. Олд. Ёшлиқ. Лактоза. Кўп. Қўра. Ёрма. Нама. Улоқ. "Аёл", Капа. Отқулоқ. Қон. Дехқон. Тоза. Ана. Ангор. Тоголча. Оз. Чучмома. Мамлакат. Ҳаёл. Муолажа. Мақсад. Нор. Кана. Чакана. Оромгоҳ. Кувонч. Ун. Ишқибоз. Шоти. Чиннигул. Қаламча. От. Оро. Гоҳ. Ол. Ҷақмоқ. Аҳил. Фол. Ар. Анҳор. Арафа. Ибо. Он. Роз. Моҳи. Иҳота. Ҳамал. Амал. Ари. Мош. Гул. Ил. Лоф. Қалдиғоч.

Калит сүз: Бахорий айёмингиз кувончили бўлсин азизлар!



## МАЊНАВИЯТ

# БАРКАМОЛЛИК ЙЎЛИДА

Маълумки, Ўзбекистон Республикаси Президентининг Фармони билан "Республика Мањавият ва маърифат жамоатчилик маркази" ташкил этилган эди. Миллий мањавиятни равнақ топтириш, маърифатни юксалтириш ҳамда жаҳон халқлари тафаккури маҳсулidan халқимизни баҳраманд этиш, мамлакатдаги мањавиятни мұхитни янада соғломлаштиришга күмаклашиш буташкилотнинг асосий вазифаси қилиб белгиланган. Марказимиз ишини ташкил этишда ҳам ана шу вазифалардан келиб чиқилди.

Унинг асосий мақсади – ички ишлар идоралари ходимларининг маданий-маърифий эҳтиёжларини қондиреш, бўш вақтларидан ижодий имкониятларини амалга ошириш учун шароитлар яратиб бериш, ҳуқуқий ва ахлоқий тарбияни юксалтиришдан иборат. Марказда бадиий ҳаваскорлик тўғраклари ташкил этилди. Унда ёшлар халқ чолғу асбоблари сирларини ўрганмоқдалар.

Хозирда "Лабикус" театр жамоаси ишлаб турибди. Шунингдек, мавжуд спорт залида ёшлар спортнинг қатор турлари билан шуғулланмоқдалар. Марказнинг "Истиқлол" гурухи ўзбек қўшиқчиллик санъатини ривожлантиришга хисса кўшяпти. Бундан ташқари, мањавият марказининг катта залида турли байрам тадбирлари уюшқоқлик билан ўтказилмоқда. Уларда республикамизнинг кўзга кўринган санъаткорлари, кулгу ва сўз усталари иштирок этишяпти.

Марказ фаолиятининг асосий йўналишларидан бири – ички ишлар идоралари ходимларининг мамлакатимизда амалга оширилаётган ижтимоий-сиёсий, иқтисодий ўзгаришларни терсананглаб етишлари, қалбан ҳис қилишлари учун маърифат дарсларини олиб бориш ва унинг самарадорлигини оширишдан иборат.

Маърифат дарслари мавзулари мамлакатимизда амалга оширилаётган исло-

ҳотлар, қолаверса, ҳаётнинг мұхим, долзарб масалалари га бағишинади. Чунончи, шу йилнинг 1-чораги давомида ўтказилган "Маҳаллам – обод уйим" Ватан ҳимоячилари кунига бағишинан "Мардлар кўриклияди Ватанни!", Буюк мутафаккир Алишер Навоий иходига бағишинан "Азиз хотира", "Ўзбекистон Республикасининг хорижий давлатлар билан ўзаро ҳамкорлиги", Халқаро хотин-қизлар кунига бағишинан "Аёлнинг сирли дунёси", "Ёшларнинг жиноятчиликка қириб кетиши олдини олишда спортнинг ўрни" ва бошқалар шулас жумласидандр.

Асосий мақсад – турли мағкуравий тазийклардан мамлакатимиз фуқароларини ҳимоя қилишdir. Президентимиз Ислом Каримов таъбири билан айтганда, кишиларимизда foяни foя, жаҳолатни маърифат билан енгish маданиятини шакллантириш учун мағкуравий ишларни жадаллаштириш зарур.

Олиб борилаётган маъри-

фат дарсларида миллий истиқлол мағкурасининг асосий тамойиллари, шунингдек, миллий қадриятимиз бўлган ота-онага, маҳалла ва жамоага, каттага ҳурмат, кичикка иззат, она тилига муҳаббат, аёл зотига эҳтиром, сабр-бардошлиқ, меҳнатсеварлик, ҳалоллик, меҳр-оқибатнинг устуворлиги сингдириб борилмоқда.

Билим ва тафаккурнинг эгизаклиги, комил инсонни шакллантиришда мұхимлиги қайта-қайта тақрорланмоқда. Мањавият марказининг асосий мақсадларидан бири ҳам ички ишлар идоралари ходимларини комиллик сари етаклашдир. Комил инсон фаолиятида билим ва етук ахлоқ узвий равишида бир-бiri билан боғланган бўлади. Олиб борилаётган маърифат дарсларининг мақсади – билим билан амалиётнинг узвий боғликлигини таъминлашга қаратилган. Ички ишлар идоралари ходимлари етук билимга, кенг дунёқарашибга эга бўлиш баробарида ўз касбини пухта би-

ладиган, хизмат вазифасига вижданан ёндошадиган, покниятли, юксак ахлоқли ва Ватанга фидойи бўлишлари лозимлиги талаб этилади.

Мањавият-маърифий ишларнинг мақсади умуминсоний қадриятларга содиқлик, ватанпарварлик, халқимизнинг мањавият меросини мустаҳкамлаш ва ривожлантириш, инсоннинг ўз имкониятларини эркин намоён қилишдан ҳам келиб чиқканлигини айтиш зарур.

Хулоса ўрнида шуни таъкидлаш лозимки, мањавият баркамоллик миллат, ирқ, жинс, синф, ижтимоий гуруҳ ёки қатлам, алоҳида касб эгаларини танламайди. У мамлакатимизда яшаётган ва меҳнат қилаётган барча кишилар комилликка интилишини билдиради. Шу жумладан, ички ишлар идоралари ходимларининг сиёсий дунёқарашибини кенгайтириш, уларни мамлакатимизда бўлаётган буюк ўзгаришларда фаол қатнашишларини таъминлашга күмаклашиш марказимизнинг асосий вазифаларидан бири бўлиб қолаверади.

**Н. ҲАЙДАРОВ,**  
Тошкент шаҳар ИИБ  
Мањавият маркази бошлиғи,  
милиция майори.  
**М. РАҲИМОВ.**

## Ҳуқуқий тарбия – бош мезон

Кейинги йилларда ёшлар ўртасида жиноятчиликнинг камаймаётгани уларнинг ҳуқуқий тарбияга муҳтож эканлигини кўрсатмоқда. Шу боис ҳам жойларда ҳуқуқни мухофаза қилиш идоралари ходимлари, мутасаддилар ёшлар билан учрашув ва сұхбатлар ўтказишмоқда. Бу борада Жizzah вилоятида ҳам муайян ишлар амалга ошириляпти. Вилоят ИИБ, прокуратура, ҳавфислик хизмати, суд идораларининг раҳбарлари Жizzah шаҳридаги олий ўқув юртлари, коллеж ва академик лицейларда бўлиб, талабалар билан учрашувлар ўтказиши.

– Бўлиб ўтган учрашув менда катта таассурот қолиди, – деди Жizzah политехника институтининг талабаси Ю. Каримов. – Қонун-қондайларни билиш, уларга риоя қилиш нақадар мұхимлигини тушуниб етдим. Айрим тенгдошларимнинг жиноят кўясига қириб қолаётганига амалдаги қонунларни яхши билмасликлари эканлиги аён бўлди. Менимча ёшлар ўртасида ҳуқуқий билимларни кучайтириш зарур.

Террорчilik, диний


экстремистик ва ақидапастлик таъсиридан огоҳ бўлиш, уюшган жиноятчилик ва гиёхандликка қарши кураш мақсадида ўтказилаётган тадбирлар самарадорлигини ошириша видеофильмлардан ҳам фойдаланиммоқда. Айнан вилоят ёшлари иштирокида рўй берган жиноятлар акс этган видеолавҳалар кўрсатилиб, мұхқомама этилиши учрашувларнинг қизиқарли ўтиши ва таъсиранлигидни оширишга хизмат қиляпти.

Ўз мухбириимиз.

– Ўсмирлар, ёшлар ниҳол каби эгилувчан бўлишиади. Уларни ҳар қандай фаразли мақсадларга йўналтирилган ҳаракатлардан огоҳ бўлиб, тўғри йўлга солиш мұхим ва долзарбиди, – деди вилоят ИИБ бошлиғи вазифасини бажарувчи, милиция полковники И. Муродов. – Тадбирлардан кўзланган мақсад ҳам шу. Бўлиб ўтган учрашув ва сұхбатлар бир марталик эмас. уни мунтазам ўтказиб бориш режалаштирилган.

Жазони ижро этиш бўлинмаларидан бирида хизмат қилаётган ички хизмат капитани X. Толлибов ва ички хизмат катта лейтенанти R. Жалоловлар ёш бўлишиларига қарамай, ўн йилдирки ўзларига, топширилган вазифаларни астойдил уddaлашашти. Жамоада профилактик тадбирлар олиб бориш, вояга етмағанлар билан ишлаш, ишга қабул қилиш ва бўшатиш, шунингдек, ходимларга лавозимлар берилиши билан боғлиқ ҳужжатларни расмийлаштириш ҳамда тайёрлаш каби бир қатор вазифалар улар зинмасига юкланди. Кўриниб турибдики, иккى ҳамкасбининг вазифалари осон эмас. Лекин юрт осойиштаги ўлуда сид-қидилдан хизмат қилган кишига қийинчиликлар сезилмайди.

Д.САЛОҲИДИНОВА олган сурат.



## МАНФААТЛИ ҲАМКОРЛИК

Инсон ва унинг манфаатларига муносабат тубдан ўзгарди. Фуқароларнинг қадри ва шаънига ҳурмат билан қараш, уларнинг қонуний ҳуқуқларини таъминлаш ҳуқуқий демократик жамият қуриш йўлидан бораётган мамлакатимизнинг асосий тамойилларидан бирига айланниб қолди, десак хато қилмаган бўламиз.

Мустақилликнинг дастлабки даврларида ёки Ўзбекистон Республикаси "Инсон ҳуқуқлари Умумжоҳон Декларацияси"ни ратификация қилгани фикримизнинг исботидир.

Куни кечга Наманган вилояти ички ишлар бошқармаси тергов тизи-

ми ходимлари ҳамда вилоят адвокатлари ҳамкорлигидан ўтган давра сұхбати бу йўлдаги яна бир мұхим қадам бўлди. Анжуман иштирокчилари бугунги кунда долзарб бўлган масала-дастлабки тергов жараённанда ҳимоя ҳуқуқини таъминлаш ва бу

борада амалиётда юзага келган муаммоларни бартараф этиши юзасидан ўзаро фикрлашилар. Давра сұхбатини вилоят ИИБ тергов бошқармасининг бошлиғи, милиция подполковники О. Долимов кириш сўзи билан очиб, мамлакатимизда суд-ҳуқуқ тизимида олиб борилаётган туб ислоҳотлар, инсон ҳуқуқлари жаҳон андозалари даражасида қонун билан кафолатланаётганини таъкидлаб ўтди. Ўзбекистон Республикаси Адв

катлар ассоциацияси вилоят бўлими раиси A. Мамажонов кўрилаётган жиноят ишларидан айбланувчи ёки гумондорнинг инсоний қадр-қимматини ҳурмат қилиш, уни қонуний ҳақ-ҳуқуқлари билан таништириш лозимлиги, адвокат иштирокини таъминлашнинг афзалликлари ҳақида тўхталди.

Эндиғи масала кўрилаётган жиноят ишларни адолатли якунлашда, уларни ҳаётга татбик этишда. Суд ҳуқми ўқилгунга қадар, тергов-суриси

тирув ишлари, ҳимоячининг ҳаракатлари нечогли мұхим эканлиги сир эмас. Яқин-яқинчагча терговчи ва ҳимоячи "жанг майдони"-нинг иккى томони деб қараларди. Давра сұхбатида таъкидланганидек, бугунги кунга келиб бу усул самара бермаслиги, ҳар иккى тарафнинг мақсади бир нуқтага, жиноятчи қилмишига яраша жазо олиши ва ҳеч ким ноҳақ жабрланмаслигига қаратилиши лозимлиги эътироф этилди.

Ўтказилган тадбир кела-жакда ўз самарасини беришига шубҳа йўқ.

**Д.ТУРҒУНОВА,**  
милиция старшиаси.



**Жаҳолат**

... Акмал Икрамов тумани ИИБга кўп қаватли уйлардан бирининг яқинида эгасиз иккита катта сумка турғани ҳақида хабар тушиши билан бир гурух жиноят қидириув ҳодимлари ўша жойга етиб бордилар. Сумкалар эътиёткорлик билан текширилди. Уларнинг ичида ... бўлакланиб, аввал пахтага, устидан оқ матога ўралган аёл кишининг бошсиз жасади бор эди.

Туман милицияси оёқга турди. Шаҳар ИИББ, республика Ички ишлар вазирлигидан масъул раҳбарлар етиб келишиди. Котилни топиш ва мурданинг шахсини аниқлаш учун тезкор тадбир ишлаб чиқилди. Сумкалар топилган жой атрофидаги уйларда яшовчилардан сўраб-сурошибиришлар кўп ўтмай ўз натижасини берди.

— Кечаси соат 02 ларда уйқум келмай, айвонда кўчани кузатиб турган-дим, — деди Наталя Федоровна деган аёл (исм-шариғла рўзгартирилди). — “Москвич” русумли ҳаворанг ё оч кўк – коронгуда аниқ кўра олмадим, — машина келиб, уйнинг ёнбосида тұхтади. Ундан оқ рўмолли, узун қора пальто кийган аёл иккита катта сумка билан тушиб қолди.

“Москвич” ортга қайтди. Аёл сумкаларни кўтариб, уйнинг ён томонидаги йўлакдан юриб, уйлар орасига ўтди. Орадан ярим соатлар уйтаси, у сумкасиз қайтиб, катта йўл ёқалаб кетди...

Бу гапдан кейин “Москвич” русумли автомобиллар бирма-бир кўздан кечирилиб, ҳайдовчилар билан сұхбатлашилди. Шу ўринда, айниқса, туман ИИБ йўл ҳаракати хавфсизлиги бўлими ходимларининг жонбозликларини алоҳида таъкидлаш зарур. Улар иккита кечакундузда тўрт юзга яқин “Москвич”ни кўздан кечиришди.

Бироқ ҳайдовчилар билан қилинган сұхбатлардан натижада чиқмади. Уларнинг бирор тасаси “ха, ўша ҳайдовчи мен эдим” демади. Яна иккита тахмин пайдо бўлди: ё ҳайдовчи ҳам қотилликка шерик ёки туман ҳалқа йўлга яқин эмасми, “Москвич” ташқаридан келган...

Жасад солинган сумкалар топилган пайтдан уч кун ўтгач, эрталаб навбатчилик қисмiga бир йигит кириб келди.

— Ака, мен сумкалардаги жасад юзасидан келгандим.

Йигит – Иброҳим Қосимов дарҳол бошлиқнинг ёнига олиб кирилди. Салом-алиқдан кейин у гап бошлади:

— Кеча кечқурон укам “ака, “Москвич”имни ЙПХ ходимлари текшириб кўришиди. Шундок-шундок гап бўлди” деб қолди. “Ие, ўша сумкали аёл менинг машинамда борганди” деб, укам билан маслаҳатлашиб, бу ёққа келдим.

Маълум бўлишича, ишдан

фалон минг “кўк”идан топибди. Пистончихон бир йил ишлаб келиб, данғиллама участка, қурибди, “иномарка” машина олибди!

Икки аёлнинг наздида гўй чेत элга боргандар ишламайди, пулни ердан супуриб олади. Айниқса, Малоҳат қандай қилиб бўлса ҳам “ӯша ёқларга” борса, мўмай даромад топиб баъзи бирорларга яшаш қанака бўлишини кўрсатиб кўйса!

У кўнглидаги орзусини Розия опасига айтди. — Шунда Розия: “Сен ёш, гўзалсан. У ёққа борсанг, бозоринг чакқон бўлади, пулнинг тагида қоласан” деди.

Бу гапдан ҳаволанган Малоҳат астайдил ҳаракатга

# ҚИММАТГА ТУШГАН «САЕҲАТ»

т у ш д и .  
Елиб-югуриб топган саккиз юз минг сўмни йўл ҳаракати учун “опаси”га кўш кўллаб тутқазди.

— Бунинг кам, — деди Розия пулни сана. — Ҳаракат килиб, тағин пул топ.

Малоҳат уйига бориб, видеокамера кўтариб келди.

— Мана опа, шуни сотсак, йўлкирага етар?

Розия “фалон кунга самолётга чипта буюрдим. Чиптани олсан, йўлга чиқасан” деб Малоҳатни лақиллатиб, пулларни ўз эҳтиёжига ишлатиб юрди.

Ва, ниҳоят, “Малоҳат йўлга чиқадиган” кун келди. Бу кун – борига шукр қилиб, ўз юритда тинчина яшашга қаноат қилмаган, чет элдаги ҳаёлий ялтироқ ҳаётга интиҳо бўлди. Нима килиш керак?

Малоҳатнинг чет эл дардida ёниб, топиб келаётган пулларини ўз билганича сарфлаб юрган Розия боши берк кўчага кириб қолди. Чунки “дугонаси” жўнаб кетиши вақтини бетоқатлик билан кутмоқда. Нима килиш керак?

Розия узоқ ўйлаб, қатъий қарорга келди.

— Сингилжон, ҳужжатлашинг ёнингдами? – эшикдан

вафот этгани муносабати билан чуқур ҳамдардлик билдирадилар.

## ХИММАТ

**Берібсан ваъда,  
албатта вафо қил,  
Вафосизликни  
қалбингдан жудо қил.**

Килилатиб, пулларни ўз эҳтиёжига ишлатиб юрди.

Турмуши нотинчлигидан безиган Малоҳат “бор-е” деди-ю, оиласини ташлаб, ўзини савдога урди. Намангандан Тошкентга келиб-кечиб юриб, Розия исмли ёлғиз аёл билан танишиб қолди. Розия олий маълумотли рұхушунос бўлса-да давлат

корхонасида ишлаб топганига қаноат қилмай, “бозори чаққон” буюмларни олиб-сотиб юрар экан. Икки аёл опа-сингилдек яқин бўлиб, Розиянинг иккита хонали уйидан бирга яшай бошлашди.

— Чет элга борган аёллар

роса пул ишлайтган эмиш.

Ана, фалончихон олти ойда

Ўзбекистон Республикаси ИИБ раҳбарияти ва шахсий таркиби ИИБ Ташкилий инспекторлик бошлиғи, милиция полковники А. Жўраевга ўлий Дмитрий Анатольевич ЖўРАЕВинг

ფожиали ҳалқо бўлгани мунносабати билан чуқур ҳамдардлик билдирадилар.

Андижон вилояти ИИБ раҳбарияти ва шахсий таркиби Кўронтепа тумани ИИБ бошлиғи, милиция полковники А. Маниевга онаси

Муҳаббатхон аянинг

вафот этгани муносабати билан чуқур ҳамдардлик билдирадилар.

Toшкент вилояти ИИБ раҳбарияти ва шахсий таркиби Бекобод тумани ИИБ бошлиғи, милиция подполковники F. Нурматова падарни бузруквори

Жалолиддин отанинг

вафот этгани муносабати билан чуқур ҳамдардлик билдирадилар.

Toшкент вилояти ИИБ раҳбарияти ва шахсий таркиби ЖҚ ва ТҚҚБ тезкор вакили, милиция капитани

Кудратилла Холматовнинг

бевак вафот этганлиги мунносабати билан мархумнинг оила аъзолари ва яқинларига чуқур ҳамдардлик билдирадилар.

Toшкент вилояти ИИБ раҳбарияти ва шахсий таркиби ҲООБ бўлим бошлиғи, милиция майори Ш. Шоякубовга падарни бузруквори

Шораҳим отанинг

вафот этганлиги мунносабати билан чуқур ҳамдардлик билдирадилар.

## ҚИДИРИЛМОҚДА

Юқоричирчиқ тумани ИИБ томонидан қўйидаги шахслар жиноят содир этиб терговдан яшириниб юргани учун қидирилмоқда.

Алексей Георгиевич ЦОЙ.



Талгат Назруллаевич МУСАҚУЛОВ.




Мухтар Абдиевич КАЛИМБЕТОВ.



Александр Вилорьевич ДЕ.



Бронислав Максимович КИМ.



Георгий Савельевич ХОН.



Юқорида номлари зикр этилган шахсларни кўрган ёки қаердалигини билганлардан яқин орадаги милиция бўлимига ёхуд Юқоричирчиқ тумани ИИБга хабар беришларири сўраймиз.

